



AWE Mainta

E DIFERENCIA DEN NOTICIA

UNHCR cu donacion di AEDS (automated external defibrillator) na CMO Aruba



2

2
**Nunca CAft a forsa gobierno pa
no hinca 16 miyon den RWZI**

3
**Cu investigacion andando maestro
ta sigui traha cu mucha**

16
**Cas a kima completamente na Sabana
Basora lagando famia desampara**




WHAT VS WHERE?

Stop Searching!

M-Files®
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV

Nunca CAft a forsa gobierno pa no hinca 16 miyon den RWZI



CASI shete aña cu gabinete Wever Croes I y II ta na mando, e problemanan of miho bisa excuus, ta kedando mesun cos ya cu aki na Aruba e Prome Minister ta papia algo, mientras cu na Hulanda tanto CAft como gobierno Hulandes, ta papia algo net lo contrario.

Sea ta e Hulandesnan no ta compronde ‘geen sikkepit’ di Papiamento of ta Prome Minister Evelyn Wever-Croes ta insisti pa trata di pone nan muestra malo den bista di pueblo di Aruba.

Recientemente e lider di MEP a bin dilanti den un entrevista, mencionando cu ta presion di CAft a pone cu su gobierno lo a dicidi di saca e suma di 16 miyon cu tabatin den presupuesto 2023, for di presupuesto loke a pone cu no tabatin fondo financiero pa atende cu e problema di e instalacion na Bubali aki.

Den un declaracion den un entrevista, Prome Minister Wever-Croes tabatin e curashi di muestra cu ta bou presion di CAft, su gobierno mester a elimina e suma di 16 miyon aki for di presupuesto 2023, loke a crea un crisis mas grandi cu e sistema di purificacion di awa di riool aki.

Un ponencia simplemente for di sla, totalmente incorrecto sabiendo cu CAft hasta den un di su relatonan, a muestra riba e importancia di e 16 miyon aki pa atende cu e planta di purificacion aki pa asina soluciona of alivia e situacion delicado cu tin te ainda na e sitio aki.

EXIGENCIA

Unico exigencia di CAft of segun Prome Minister ta pretende di muestra como presion, ta e echo cu den dos of tres reportahe, a pidi pa gobierno di Evelyn Wever-Croes pa duna un “specificacion” of un “aclaracion” con e suma di 16 miyon aki lo wordo gasta.

Nada mas ya cu nunca CAft a trata di boycott e plan di reparacion di RWZI aki pero gabinete Wever-Croes II, a dicidi cu e suma di placa aki di 16 miyon florin, tabata mas valioso pa su gobierno cumpli cu demanda di reduccion di gasto di gobierno.

Nunca mas gobierno di Evelyn a pone un florin bek pa haci algo cu e planta, al contrario a purba si tira e proyecto aki den scochi di diferente departamento di Gobierno, entre nan haci DOW responsabel cu esaki, despues a dicidi di purba pone pa WEB Aruba NV atende cu esaki, a trata di introduci un ley caminda lo cobra e bishitantenan di Aruba cierto suma cu lo mester sirbi pa financia reparacion y mantencion di RWZI pero ainda NO tin solucion.

Awo cu Prome Minister Evelyn Wever-Croes ta troce e berdad un biaha mas, ta responsabilidad di e Minister di Integridad, Ursell Arends bin dilanti y splica pueblo manera mester ta, kico a pasa y di con su gobierno cu e ta forma parti di dje, a dicidi di saca e suma di 16 miyon for di presupuesto 2023 sin duna hustificacion!!



Den caso di abuso

Cu investigacion andando maestro ta sigui traha cu mucha



NINGUN hende kier papia riba e caso, ningun instancia kier informa kico ta pasando pero tin un situacion sumamente delicado andando pa algun siman caba, esta di inicio di un investigacion di abuso sexual contra un mucha menor di edad.

Lo mas serio di e situacion aki ta e echo cu autoridad 'aparentemente' ya a haya informacion riba e incidente serio aki, ainda no a tuma medida contra di e maestro aki kende ta wordo permiti pa sigui duna les na e scol caminda cu e ta traha.

Sin duda ta un caso sumamente serio, hopi delicado ya cu tin un mucha ya hopi afecta luchando cu e experiencia abusivo cu el a pasa aden pero ainda no tin indicacion cu autoridad a bay piki e homber aki y inicia cu e investigacion delicado aki.

Di con e ta scondi ainda no tin hustificacion ya cu hasta ta existi e posibilidad di e maestro aki lo a comete mas acto cu mas alumno y cu nan lo por ta parti di e investigacion andando contra di e maestro aki.

Loke ta preocupante pa hende cu ta na altura di e caso aki, ta e echo cu e solo echo cu tin indicacion cu algo malo a sosode cu alumno di un scol, directiva di e scol mester a interveni y pone e maestro aki riba 'non actief' te ora cu aclaria tur loke a bin dilanti y cu ta bayendo rond den comunidad.

E ta un caso hopi sensitivo, hopi delicado ya cu tin menor di edad den e asunto aki, cual criatura a wordo afecta formalmente pa e incidente aki y a ricibi tratamiento na Hulanda pa e problemanan cu el a encontra despues di e incidente lamentabel aki.

Informacion ricibi riba e incidente aki ta muestra cu e posibilidad cu lo tin mas criatura cu kende e maestro aki lo a mishi cu nan pero cu probablemente ta tratando di haya tur pa coopera pa e victimanan duna informacion pa di e forma aki cuminsa cu e proceso penal contra di e maestro aki. E situacion ta serio pero ainda autoridad no ta dunando informacion riba e caso aki ya cu e ta den un fase di investigacion inicial y tampoco kier a confirma cu e caso aki ta wordo investiga profundamente.



Indulge in a diverse selection of salads, pastas, and beloved steaks and chops ensuring a dining experience to cherish.

Daily Live Music



25% off for locals

Open daily for dinner from 5.30 to 10.30pm

UNHCR a haci donacion di AEDS (automated external defibrillator) na CMO Aruba

DEN cuadro di Día Mundial di Siguridad y Salud na trabou, UNHCR a haci donacion di 7 AEDs na CMO Aruba.

Algun di e AED's lo wordo pone den e edificio den cual CMO ta ubica ya cu tin 4 otro departamento di Gobierno cu gran cantidad di empleado y e AED's lo sigura un ambiente di siguridad na trabou pa tur personal. E otro AEDs lo wordo ubica strategicamente den e CMO Mobile Medical Unit cu ta wordo uza den evento y actividad grandi y durante emergencia. Tambe lo inclui algun AEDs den e vehiculonan di emergencia di CMO cu ta disponibel 24 ora. Tur personal cu ta uza a ekiponan menciona a haya e training necesario.

“Garantisa acceso na servicio esencial di salud esencial pa tur residente di Aruba, ta di suma importancia pa UNHCR”, Irene van Rij, Head of National Office pa Aruba y Corsou, a enfatisa.” E AEDnan lo ta beneficioso p’e comunidad local y tambe p’e migrante y e refugiadonan na Aruba”.

Ya pa algun aña caba ta existi un bon relacion di colaboracion entre UNHCR y CMO Aruba. UNHCR a haci donacion di 58 unit (RHU) cu a keda usa pa reforsa e infraestructura necesario durante pandemia y nan ta sigui wordo uza durante varios otro evento y actividad tambe. Durante pandemia, UNHCR a haci donacion adicional di varios producto y ekipo di proteccion esencial.

“E meta principal di CMO ta pa garantisa siguridad y bienestar di henter e comunidad, specialmetne den tempo di crisis. Durante e ultimo añanan, e apoyo, cooperacion y colaboracion di parti di UNHCR tabata fundamental y masha aprecia. Nos ta contento y agradecido cu e donacion generoso aki”, Eurico (Rino) Hermans, Director di CMO, a indica.

E colaboracion entre CMO y UNHCR ta resalta e importancia di ta prepara pa crisis y emergencia, pa asina garantisa un futuro mas saludabel y sigur par Aruba y su residentenan.

Presente n’e entrega di donacion - UNHCR: Sra. Irene van Rij, Head National Office Aruba & Curacao y Sra. Maya Soumah, Associate Protection Officer. Di parti di CMO Sr.

Rino Hermans, Director Sr. Rene Ridderstaat y Sra. Yvonne Geerman-Quant y Sra. Gina Lopez-Gnecco, Ketenmanager. Tocante UNHCR

UNHCR, e agencia di UN pa refugiado, ta un organisacion global dedica na salba bida, proteha derecho y construi un miho futuro p’e personanan kendenan ta obliga di huy for di nan hogar debi na conflicto y persecucion. UNHCR ta lidera accion internacional pa proteha e refugiadonan, e comunidnan cu a keda desplasa forzosamente y esunnan desplasa. UNHCR ta brinda asistencia vital, ta yuda salvaguardia derecho humano fundamental y ta desaroya solucion cu ta garantisa cu e personanan tin un luga sigur yama hogar unda nan por construi un miho futuro. UNHCR tambe ta garantisa cu esunnan desplasa haya un nacionalidad. UNHCR ta activo den mas di 130 pais y ta uza nan experiencia pa proteha y cuida miyones di persona.

Tocante CMO Aruba

Crisis Management Office Aruba (CMO) ta un organisacion fundamental y multifacetico responsabel pa maneha tur situacion di crisis y emergencia y ta encarga cu coordinacion di accion integral riba escala nacional. CMO ta hunga un papel crucial den fortalece e preparacion y resiliencia necesario gubernamental y pa su residentenan, garantizando siguridad publico y facilitando accion rapido y efectivo pa mantene continuidad di operacion.



Diesocho Arubiano a ricibi nan Condecoracion Real



DEN cuadro di e Ocasion General, diabierna mainta 26 di april 2024 a tuma luga e otorgamento anual di Condecoracion Real n'e Cas Ceremonial di Gobernador. Gobernador di Aruba, Su Excelencia Alfonso Boekhoudt, a haci entrega di e condecoracionnan Arubano. E aña aki a condecora 18 Arubiano.

A condecora e siguiente persona como 'Officier in de Orde van Oranje-Nassau':

- señora Nicole Lucia Maria Hoevertsz

A condecora e siguiente personanan como 'Ridder in de Orde van Oranje-Nassau':

- señor Hendrikus Antonio Eldemiro van Gaalen

- señor Ricardo Omar Gogorza
 - señor Gerard Leendert van Vliet
 - señora Annemarie Johanna van Vliet-Melchers
- A condecora e siguiente personanan como 'Lid in de Orde van Oranje-Nassau':

- señor Ronald Paul van den Berg
- señor Hugh Drummond Connor
- señora Désirée Geneviève Croes
- señora Jeanette Violette Ivony Croes-Fingal
- señora Swinda Martha Claire Dumfries
- señora Martha Esmeralda Gomez-Winterdaal
- señora Mirtha Maria Cabrini de Haseth-Bislik
- señor Edgard Cristobal Kelkboom
- señora Wilma Valeria Kuiperi-Jansen
- señora Gertruida Margarita Lampe-Jansen
- señora Helena Carmen Maduro
- señor Robert Anthony Reeberg
- señor Dionisio Fecito Richardson

Señora Hoevertsz y señor Van Gaalen lo ricibi nan condecoracion na un fecha ainda pa determina, pa motibo di nan tabata ausente na e

momento di e Ocasion General.

THE CASINO AT
THE RITZ-CARLTON
ARUBA

THE CASINO AT
ST REGIS
ARUBA

**LUXURY
WAGON**
Giveaway

APRIL 12 - NOVEMBER 22, 2024

Receive one (1) raffle ticket for every 300 points /\$150 theoretical win or with every \$150 check at Casa Nonna New York, BLT Steak or Divi Lounge.

SELECTING 50 FINALISTS

<p>WEEKLY DRAWINGS 31 FINALISTS APRIL 20TH TILL NOVEMBER 16TH</p>	<p>GOLDEN KEY DRAWING 2 FINALISTS NOVEMBER 16TH</p>	<p>TOP PLAYER'S RACE DRAWING 9 FINALISTS NOVEMBER 21ST</p>	<p>LAST CHANCE DRAWING 8 FINALISTS NOVEMBER 22ND</p>
--	--	---	---

Must be over the age of 18 years. The Casino at The Ritz-Carlton, Aruba encourages Responsible Gaming.



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Sugar Tax

E Impacto Global di Impuesto riba sucu

DEN ultimo añanan, implementacion di impuesto riba (producto cu ta contene) sucu a lanta un debate fuerte. Desde 2019 y kisas hasta prome. Entre e defensoran di salud publico y esunnan cu ta desconfia di e posibel repercusionnan economico y social. Den e curason di e tema aki tin e pregunta fundamental: E ta un impuesto riba sucu pa mehora salud di hende, of un medida indesea riba poblacion y industria?

E defensoran di impuesto riba sucu ta argumenta cu esaki ta esencial pa trata e problemanan alarmante di salud publico asocia cu consumo excesivo di sucu, particularmente den refresco. E bebidanan aki, cu ta yena cu sucu y su reemplazante artificial, ta wordo relaciona cu un cantidad grandi di problema di salud, incluyendo obesidad, diabetes tipo 2 y malesa cardiovascular.

Imponiendo impuesto riba bebida cu ta contene sucu, e defensoran ta kere cu e consumidornan lo wordo desvia pa consumi e alternativanan mas saludabel, manera awa of bebida abou den sucu, fomentando asina miho habito di come y un miho resultado general di salud entre e poblacion.

Ademas, e partidonan ta enfatisa e entrada potencial genera pa e impuesto riba sucu, cu por canalisa pa iniciativa y intervencion di salud publico. E fondonan aki por ta asigna na subsidia opcionnan di cuminda mas saludabel, financia campaña di educacion sanitario of reforsa serviccio di salud publico. Di e forma aki, impuesto riba sucu ta sirbi como un medio pa atende cu e causa fundamental di malesa relaciona cu dieta y promove bienestar general.

Sinembargo, esunnan cu ta opone na impuesto riba sucu ta presenta preocupacion valido tocante su posibel consecuencianan negativo, particularmente su impacto desproporcional riba persona y famia di entrada abou.

E critico ta argumenta cu e impuestonan aki ta amplia e desigualdad existente door di impone un carga financiero inhuerto riba esunnan cu menos por paga nan. Ademas, e oponentenan ta enfatisa e importancia di e escogencia

di consumo y e responsabilidad personal den decision dietetico, bogando pa campaña di educacion y consciencia como un alternativa mas efectivo na intervencion di gobierno.

Ademas, a expresa temor tocante e repercusionnan economico di impuesto riba sucu, specialmente den e industrialnan manera e sector di horeca. E oponentenan ta adverti di posibel perdida di trabou, bahada den benta y hasta e aparicion di actividad riba mercado preto (black market) den caso cu e prijsnan subi pa motibo di impuesto.

A pesar di e debate cu ta tumando luga, e paisnan rond mundo ta tumando medida proactivo pa atende cu e retonan di salud publico cu consumo di sucu ta trece dilanti door di implementacion di impuesto riba e productonan cu ta contene sucu. Mexico ta un pionero den e sentido aki, introduciendo un impuesto nacional riba bebida conteniendo sucu na 2014. Estudio a indica un disminucion significativo den consumo, particularmente entre e poblacionnan di entrada abao, aunke e impacto riba salud a largo plaso ainda ta bou di investigacion.

Siguiendo su ehempel, Reino Uni a implementa e impuesto riba Industria di Refresco na 2018, dirigi riba bebida cu contenido halto di sucu. E prome datonan ta sugeri un reduccion den nivel di sucu den bebida y un cambio p'e alternativanan mas saludabel mientras e empresanan ta reformulan nan producto pa evita impuesto mas halto.

Francia tambe a implementa un impuesto riba bebida cu ta contene sucu na 2012, cu entrada destina pa iniciativa di salud. Mientras cu tin un disminucion den consumo, ainda ta evaluando e impacto general riba resultado di salud.

Noruega, un di e prome paisnan cu a adopta impuesto riba sucu na 1981, a mira un bahada constante den e consumo di bebida cu sucu durante tempo. E impuesto, cu ta wordo ahusta periodicamente pa refleha cambio den e patronchinan di consumo, a contribuí na mehoracion di e custumbenan di cuminda entre e Noruechianan.

Sur Africa a uni cu e fila di nacion cu ta implementa impuesto riba sucu na 2018, introduciendo un impuesto riba bebida cu ta contene sucu pa combati e indice creciente di obesidad. E prome datonan ta indica un reduccion den consumo, particularmente entre e gruponan di entrada abou.

Mas aleu di e ehempelnan aki, e paisnan manera Chile, Tailandia, Portugal, Barbados y Saudi Arabia tambe a adopta impuesto riba sucu como parti di nan strategia di salud publico. E medidanan aki a produci reduccion den consumo di bebida cu ta contene sucu y a causa cambio den e comportacion di e consumidor y e formulacion di e producto.

Mientras cu e efectividad di impuesto riba sucu por varia segun factor manera implementacion y cumplimiento, sin duda nan ta representa un paso significativo pa promove habito alimenticio mas saludabel y mehora salud general di e poblacion. Mientras e gobiernonan ta sigui afronta e reto global di consumo excesivo di sucu, impuesto riba sucu ta keda un herment valioso den e lucha contra obesidad y problema di salud relaciona cu esaki.

Na Aruba a trece e idea aki un par di biaha dilanti pero hopi

lihe a wordo bari for di mesa. No ta un secreto cu Aruba tambe tin su retonan pa malesa causa pa consumo excesivo di sucu pero simplemente pueblo no por paga ainda mas impuesto. Ya caba ta papia di un sueldo minimo cu no ta yega, y cu ta leu di yega e bestaansminimum. Sinembargo algo mester wordo haci, p'esaki, spera cu e expertonan den e materia ta buscando solucion y no ta wardando opcion cay for di shelo.



BUILD YOUR OWN HOME BUNDLE!

Pick & Choose TWO services

VOICE &
TV

Starts at
Afl. 96

VOICE &
INTERNET

Starts at
Afl. 161

TV &
INTERNET
Starts at
Afl. 178

Now with
FREE INSTALLATION



SETAR

setar.aw | Teleshops

* Free installation is valid only for new customers who apply for a combination bundle of Pick & Choose (TV + Internet, TV + Voice, or Voice + Internet) with a 2-year contract until June 8, 2024.

E aña aki Gobierno tin mas fondo disponibel pa asfalta

Prome Minister a reuni cu DOW riba varios proyecto andando



DIAHUEBS mainta 25 di april, Prome Minister Evelyn Wever-Croes a reuni na DOW cu e director y su ekipo di profesional riba diferente tema cu tin pendiente. DOW ta un departamento importante y crucial den desaroyo di pais Aruba den loke ta trata careteranan y planfacion.

Mirando cu e aña aki Gobierno tin mas fondo disponibel pa asfalta por mira tambe cu tin mas proyecto andando. Esaki ta bin cu su retonan, pasobra e capacidad na Aruba en general no ta asina grandi, y tin biaha un proyecto por keda

pega, pero awo e retonan ey ta soluciona y ta bay continua cu e trabounan di asfalt rond di Aruba.

Na e momentonan aki e proyecto di reconstruccion di caminda di High Rise Hotel a inicia, y asina otronan lo sigui na e debido tempo. Tin diferente criterio cu ta wordo mira prome cu reparti e trabounan den e districtonan rond di Aruba. Ta mira e necesidad, e careteranan mas frecuente, esnan cu tin mas tempo wardando y ta mira cuanto cas tin den e vecindario.

Tambe durante e reunion a trata e tema importante di RWZI, no solamente e plantanan na Bubali, sino tambe RWZI Parkietenbos y RWZI Zeewijk. A papia riba e retonan cu tin cu esakinan y e importancia y e urgencia cu tin pa e privatisacion.

E ley ta na Parlamento awor aki y ta spera cu pronto por yega na privatisa e plantanan y asina esakinan lo bay den man di un compania estatal cual ta e compania Utilities. E compania estatal aki si tin e forza y e capacidad financiero pa haci e inversion necesario pa alivia e situacion actual.

E mandatario a indica cu ya den pasado Gobierno a purba di pone den e presupuesto 16 milyon florin pa inverti den RWZI, pero bou presion di e CAft (College Aruba financieel toezicht), Gobierno mester a kit'e debi na e situacion financiero di pais Aruba. "Pa evita esey ta bay privatisa e planta, y aki cu DOW nos ta haciendo tur preparacion. Aparte di esey tambe a papia di e desaroyo di pais Aruba en general y nos a toca tur e temanan importante y relevante unda DOW mester di sosten di Gobierno pa por cumpli cu nan", Prome Minister a expresa.

TARA LOUNGE
by Elements
RESTAURANT

SUNDAY BRUNCH
\$55 PER PERSON | CHAMPAGNE INCLUDED
11:30 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3





NowPlaying



BOY KILLS WORLD

A fever dream action film that follows Boy, a deaf person with a vibrant imagination. When his family is murdered, he is trained by a mysterious shaman to repress his childish imagination and become an instrument of death.



CHALLENGER

Tashi, a former tennis prodigy turned coach is married to a champion on a losing streak. Her strategy for her husband's redemption takes a surprising turn when he must face off against his former best friend and Tashi's former boyfriend.



THE FALL GUY

After leaving the business one year earlier, battle-scarred stuntman Colt Seavers springs back into action when the star of a big studio movie suddenly disappears. As the mystery surrounding the missing actor deepens, Colt soon finds himself ensnared in a sinister plot that pushes him to the edge of a fall more dangerous than any stunt.



SPY X FAMILY CODE: WHITE

After receiving an order to be replaced in Operation Strix, Loid decides to help Anya win a cooking competition at Eden Academy, by making the director's favorite meal in order to prevent his replacement.

For Showtimes and online ticketing: www.caribbeancinemas.com

Accidente na Santa Cruz

Volvo a dal contra cura di cas



DIABIERNA atardi a sosode un accidente riba caminda na Santa Cruz, ora cu un Volvo colo cora a perde control y a bay dal den cura di un cas. E accidente a causa hopi preocupacion, pasobra e vehiculo a ricibi basta daño, y a alarma esunnan cu tabata cerca.

Despues di e accidente, polis y ambulans a yega rapidamente n'e lugar. E señora cu tabata maneha e Volvo a keha di dolor y a bira malo despues cu el a boks.

Polis a cera e area pa investiga causa di e accidente y pa segura cu no tabatin hopi trafico cu a para oracu nan ta investigando e situacion.

Personal di ambulans a asisti e señora, cu tabata visiblemente cu dolor. A transporta e señora pa Horacio Oduber Hospital pa ricibi atencion medico, pasobra tabatin necesidad di cuidao avansa. A nota cu e daño na e Volvo tabata substantial y cu a afecta parti di e cura cas tambe.

E accidente na Santa Cruz ta muestra cu mester tin atencion den trafico y cu ta importante pa mantene control y sigui regulacion di trafico pa evita mas accidente.

E investigacion ta continua pa determina causa exacto di e accidente y pa tuma medida pa preveni situacion similar den futuro. Pa esun cu ta uza e camindanan di Aruba, e accidente aki, manera tur otro ta un recordatorio di e importancia di maneha cu cuidao y ta alerta riba caminda pa evita

accidente cu por causa daño y herido.



We Are HIRING

Join Our Award-Winning Team

- #1 TOP HOTEL IN THE CARIBBEAN
- #18 TOP HOTELS IN THE WORLD ON TRIPADVISOR
- THE FIRST CARBON NEUTRAL RESORT IN THE CARIBBEAN

OPEN POSITIONS

- IT SPECIALIST
- HOST/HOSTESS (AM/PM)
- BEACH ATTENDANT
- HOUSEMAN
- ROOM ATTENDANT
- DOORMEN / DOOR LADY PART TIME

BENEFITS

- ATTRACTIVE SALARIES WITH BONUS OPPORTUNITIES
- 5-DAY WORKWEEK (40-HOURS A WEEK)
- WITH UP TO 27 VACATION DAYS BASED ON YEARS OF SERVICE
- GYM MEMBERSHIP WITH BODYZONE AND CUTS & CURVES
- LIFE AND HEALTH INSURANCES
- SAVINGS & LOAN PROGRAM, EMPLOYEE DISCOUNTS



APPLY ONLINE AT: WWW.BUCUTI.COM/CAREERS

Na Washington

Accidente entre auto y brommer a laga un hende herida

DIAHUEBS atardi, un poco pasa di 6'or, a tuma luga un accidente entre un brommer y un Toyota Vitz colo blanco, cu e consecuencia cu un hende a resulta herida y mester a hib'e Hospital p'e por a ricibi atencion medico avansa.

Segun testigo presente n'e luga di e accidente, esaki a tuma luga riba e caminda transita di Washington, direccion Palm Beach. E impacto entre e dos vehiculonan tabata basta fuerte, causando daño y a lanta preocupacion riba e estado di e persona herida.

Cuerpo policial a yega n'e luga di accidente y a cera e area p'asina investiga e situacion. Tabatin hopi trafico den e area ey, y kier a sigura cu e spoornan no ta wordo contamina of dañá. Mientrastanto personal di ambulance a yega rapidamente p'asina atende e herido.

Polis di trafico tambe tabatey presente p'asina conduci su investigacion hunto cu roadservice, p'asina nota e circunstancia exacto kico a sosode durante e accidente aki. Daño

material ta considerabel.

Tin di remarca cu Aruba su camindanan tin hopi actividad di trafico y descuido ta un di e rasonnan principal di accidente den trafico. Ta pidi pa un y tur corda riba e importancia di mantene un conducta di trafico sigur. E situacion manera esun ariba menciona ta ilustra cu trafico por bira peligroso si no tene cuidao y ta importante pa sigui tur rglá di trafico, como tambe pa semper ta atento riba caminda.







PASEO HERENCIA

COMFORT, FOOD AND COCKTAILS



FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP



GET IT ON
Google Play



Download on the
App Store

Nissan March a bolter

Accidente fuerte riba Green Corridor



DIABIERNA ultimo, de careda di 10:00 pm, un accidente fuerte a sosode riba Green Corridor, na altura di Ser'i Teishi. Un Nissan March cu dos persona aden, un hende grandi y un mucha, a bolter.

E accidente aki a causa un reaccion rapido di parti di polis y tambe ambulance, cu a yega rapidamente pa duna prome asistencia n'e dos personanan cu tabata den e Nissan March. Despues di a verifica nan situacion y di a ofrece atencion basico, e ekipo di ambulans a sigui nan caminda, señalando cu e heridonan no tabatin mester di atencion medico adicional.

Polis di trafico a yega n'e lugar di accidente pa asisti den e investigacion y pa sigura cu trafico core sin problema.

E impacto di e bolter ta muestra cu e Nissan March a ricibi daño fuerte, pero por suerte, e dos personanan aden no a ricibi mucho cos, solamente un tiki spanto. Polis di trafico ta investiga pa determina cu e causa di e accidente y pa duna un informe completo.

E accidente fuerte riba Green Corridor ta un recordatorio di e importancia di maneha cu cuidao y mantene control riba

caminda. A pesar di e suerte cu e dos personanan den e Nissan March a sali cu herida leve, ta crucial pa sigui regulacion di trafico y ta atento riba caminda.

Polis y ambulans a trabaja rapidamente pa atende e situacion y pa sigura cu no tin ningun otro peligro riba caminda. E respons rapido di esunnan cu ta responsabel pa e seguridad ta duna un sentimiento di tranquilidad na e comunidad y ta muestra e dedicacion cu ta tin pa mantene Aruba seguro.



Accidente mainta trempan na Tanki Flip

Auto a ranca pal'i luz completo bay cu ne



DIASABRA ultimo, den careda di 4'or y mey di marduga, un Suzuki Swift colo blanco posiblemente lo a perde control na Tanki Flip y a dal contra di un pal'i luz, rancando esaki fo'i su reis. E impacto tabata fuerte y a causa daño significativo n'e auto.

Polisy ambulance a yega rapidamente n'e sitio ya cu tabatin algun persona herida. Pida di e pal'i luz a keda plama riba caminda, representando un riesgo p'e otro chauffeurnan. Polis a maneha e trafico pa evita mas accidente mientras cu tabata kibra e pidanan di palo.

E accidente ta destaca e importancia di core auto cu precaucion, specialmente durante e oranan trempan di mainta. Polis ta investigando pa determina e causa exacto di e accidente y preveni accidente similar den futuro.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 31 mei 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

Een leeg perceel eigendomsgrond plaatselijk bekend als

SEROE PRETO PARADERA z/n

Bestaande uit:

1. een perceel eigendomsgrond groot ca. 467 m2 gelegen te Ceru Preto in Aruba, afkomstig van het moederperceel kadastraal bekend als Eerste Afdeling Sectie R nummer 333, thans bekend met index D11893;
2. een 1/44^e onverdeeld aandeel in een perceel eigendomsgrond gelegen te Ceru Preto in Aruba, groot ongeveer 5.216 m2, afkomstig van het moederperceel kadastraal bekend als Eerste Afdeling Sectie R nummer 333 index D 4499 (mandelig wegperceel)

Inzetprijs: p.m.

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 16 mei 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com verkrijgbaar.

Iedere bidder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Accidente den Klipstraat pa falta di preferencia



ulonan y pa haci su investigacion p'asina determina con e accidente aki a sosode. Ta importante pa recolecta esey pa determina responsabilidad y pa previni accidentes similar den futuro.

E incidente den Klipstraat ta un recordatorio di e importancia di sigui regla di trafico y ta alerta riba caminda.

E falta di preferencia ta un problema cu por a resulta un situacion hopi mas serio.



DIADOMINGO pasa cerca di 5'or di mainta, un accidente a sosode den Klipstraat debi na falta di preferencia entre un auto y un brommer. Tabata trata aki di un Suzuki Vitara colo blanco y un brommer colo preto, cu a dal den otro pa motibo di falta di preferencia.

Na yegada di polis, e homber cu tabata maneha e brommer tabata keha di dolor, pero despues di un rato, a resulta cu no tabata necesario pa ambulance duna atencion medico.

E homber no tabata herida di gravedad y no tabata necesario pa el a bay hospital.

E accidente a causa daño na e dos vehiculonan, specialmente n'e brommer. N'e sitio, polis a tuma dato di e vehic-



Pelea den Westraat a laga dos hende herida

DIADOMINGO ultimo, pasa di 3'or y mey di marduga, tabatin un pelea den Westraat cu a resultá den dos persona herida. Polis a wordo manda mesora n'e luga ora cu a ricibi e informacion aki di e pelea, cu porcierto a bira violento.

Ora cu polis a yega, nan a topa cu dos persona ambos cu herida di corta, y un auto Nissan Tida blanco cu tabata kibra. E situacion tabata hopi tenso pasobra un di e persona tabata cubri cu sanger. Polis a duna asistencia inicial y a controla e situacion, mientras cu a spera na e yegada di ambulance, cu na nan yegada, a hiba e persona mas grave pa hospital, p'asina ricibi asistencia medico avansa pa por trata su heridanen.

Polis n'e sitio a cuminsa cu un investigacio pa mira kico por tabata causa di e pelea aki cu a caba den hincamento y recolecta e evidencia necesario pa identifica y captura esunnan responsabel.

E incidente na Westraat ta un recordatorio di e peliger di violencia y e necesidad di mantene seguridad y orden den comunidad.

Polis a actua cu rapidez pa controla e situacion y pa sigura cu e personanan herida a ricibi atencion medico lo mas pronto posibel.

E investigacion ta continua pa determina con e pelea a sosode y cu e motibo exacto ta tras di e violencia. Polis ta trahando duro pa mantene e paz y seguridad na Aruba.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático



+297-740-5235

Ubicación bajo demanda

Moldeo de Figura

con cierre de costilla y reloj de arena



BEAUTY & SPA

Danki Dios no tabatin herido

Candela na Sabana Basora a destrui cas por completo

Diadomingo atardi, poco despues di 3'or y 45, a tuma luga un candela masha grandi mes cu a kima un cas na Sabana Basora.

Ora e prome unidad di bombero y polis a yega na e luga, nan por a mira di leu e columna di huma preto.



Tabatin tres mucha den e cas, pero afortunadamente por a saca nan na tempo, asina cu nada pio por a pasa cu nan.

E habitantenan di e bario a reacciona na tempo pa yuda contene e candela. Un di e casnan na banda tambe a ricibi daño di e candela.

E candela no solamente a destrui e cas, sino tambe tres auto cu tabata para cerca di dje.

Danki na e esfuerso di e diferente unidadnan di bombero y polis, no a raporta ningun victima.

E daño tabata bastante, cu awo mester bay reubica e famia, mirando cu nan a perde tur nan pertenencianan.

Investigacion lo determina si e candela aki lo tabata uno provoca.



PUBLIC AUCTION

THURSDAY
MAY 30, 2024

On Thursday, May 30, 2024 at 11 AM, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

PAPILON 64-B

a residential house, on right of long lease until 10 september 2052, on a parcel government land with a measurement of 783 m², situated at Papilon in Aruba, recorded in the Title Registry of Aruba with a measurement letter number 93 of 2 July 1992
Starting bid: Afl. 491,206.40

Sero Blanco 283


a residential house, on right of long lease until 22 december 2058, on a parcel government land with a measurement of 605 m², situated at Sero Blanco in Aruba, recorded in the Title Registry of Aruba as First Division Section P number 2263.
Starting bid: Afl. 408,200.00.

Washington 34-A

a residential house, on right of long lease until 25 february 2053, on a parcel government land with a measurement of 647 m², situated at Washington in Aruba, recorded in the Title Registry of Aruba as First Division Section K number 2214.
Starting bid: T.B.D.

AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until **May 15, 2024, at 5 PM**. A bidding form can be downloaded on our website.



DEPORTE

deporte@awemainta.com

FUTBOL COPA HONOR ORO

RCA contra Estrella por defini tur cos

DIABIerna awo ta continue e Copa Honor Oro cu e wega mas decisivo di e fecha 9 caminda cu e tricolornan di Solito ta pone tur nan chipnan y hunga nan ultimo cartanan contra e Naranjadonan di Santa Cruz, SV Estrella.

RCA ta logra un victoria grandi contra di Britannia di 1-0 den nan ultimo wega. Esaki ta nan ta tene e team tricolor nan bida y nan ta yega e wega contra Estrella cu speranza ainda di drenta den e prome cuatronan. Den e prome buelta Estrella ta sorpende e Tricolornan y ta yega e wega aki cu 4 punto di bentaha. Estrella ta bin di un empate na dos gol cu e dragonnan di Alto Vista, Deportivo Nacional, sigur un punto cu por haci e diferencia den e recta final.

Dos team cu diferente caracteristica pero cu e mesun meta. Estrella a demostra cu nan por score gol. Den 8 wega di Copa Oro nan tin 13 gol marca y nan tin 2 delantero den e prome 10 goleadonan di e campeonato. Luis Manuel Torres ta lidera e tabla di goleadu cu 8 gol y Estrella su talisman Travor Faro ta number 8 cu 3 gol riba su number.

Unda cu e team naranjado tin basta problema ta den defensa. Estrella ta un di e teamnan cu mas gol en contra cu un total di 19 gol. Solamente River Plate tin mas gol en contra cu un total di 29 gol ricibi. Estrella mester busca manera di haci e gol ey mas chikito, esey si di berdad nan kier logra drenta den e pelea pa e titulo. RCA di otro banda tin problema pa haya e net rival y tin solamente 4 gol anota den e 8 wega nan cu nan a disputa den e Copa Oro.

River Plate cu ta na di ultimo luga tin mas gol anota cu e team tricolor. Nan maximo goleadu, John Silva, ta manera perdi y ainda ta buscando su prome gol den Copa Oro. Den contraste cu Estrella, e defensa di RCA si ta hopi solido permitiendo un poco menos cu un gol pa wega. E defensa ta loke tin RCA

ainda cu un chens di drenta den e top cuaternan, pero sin gol e team tricolor no lo yega. Un empate contra Estrella diabierna awor lo elimina RCA for di e semi-finalnan. Cu un victoria diabierna awo, ainda RCA lo mester di un victoria den su ultimo wega contra e muchanan di Madiki River Plate. Asina mes lo mester bay mester di un man di Britannia cu lo mester gana Estrella den e ultimo wega pa e team colo tin un chens di drenta den e top cuaternan. Hopi domino mester cay y un poco di ayuda di un rival eterno, e team di Solito ta bay tin mester pa logra drenta den e top cuaternan.

Pa e team Naranjado e caminda ta mas simpel. Un empate mes ta suficiente pa e team naranjado ya cu 11 punto lo pone nan for di alcance di RCA. Cu Dakota y Britannia clasifica caba. Deportivo Nacional mester 1 punto di su ultimo dos weganan pa por book su ticket pa e ultimo cuaternan. Of mester wak si tur cos ta wordo dicidi e week-end aki mes cu un empate of victoria pa e team di Santa Cruz. Hopi pregunta por wordo contesta diabierna awor. Ta di mira awor si e campeon lo sobrevivi pa bringa un dia mas, of si e naranjado nan lo paga e luz y pone e campeon bay drumi.



Brazil Taekwondo Stichting ta preparando pa Cas Bon Taekwondo Cup



E siman aki Brazil Taekwondo Stichting a tene un reda di Prensa na Gold Coast Club House den conexion cu Cas Bon

Taekwondo Cup cu ta tuma luga Diasabra dia 11 di Mei 2024 den Centro di Bario Brazil.



Director di Cas Bon Sr. Fito Croes a hiba palabra y a felicita Brazil Taekwondo Stichting pa tur locual Brazil Taekwondo Stichting y su directiva ta haci den comunidad y pa e hubentud, specialmente e Presidente nobo Master Clifford Rasmijn di e generacion nobo.

Presidente, Coach y Trainer di Brazil Taekwondo Stichting y Taekwondo Team Aruba

Master Clifford Rasmijn a gradici Sr. Fito Croes pa e contribucion na e Cas Bon Taekwondo Cup cu ta e prome cualificacion pa Best of the Best 2024.

Brazil Taekwondo Stichting ta sigui cu e bon trabou y ta mantene e atletanan cu ta practica Taekwondo na prome luga, pasobra e atletanan ta e futuro di mañan.

Brazil Taekwondo Stichting su team ta cla pa dia 11 di mei 2024 pa e Cas Bon Taekwondo Cup den Centro di Bario Brazil, cuminsando pa 9'or di mainta.

NFL Draft 2024

Un resumen di e mania di Quarterback, e seleccionnan di Luho y 'Draft day drama'

E NFL draft 2024 tabata un tormenta di emocion, marca pa momento historico, seleccion inespera y un ola di intercambio. Cu un racha record di hungado ofensivo y un aumento sin precedente den seleccion di quarterback, e draft a mostra un cambio den e panorama di e liga y movimiento strategico di e teamnan buscando exito.

Un di e tendencianan mas notabel di e draft tabata e racha di quarterback. Seis quarterback a wordo selecta den e prome 12 seleccionnan, destacando e balor creciente cu ta wordo duna na 'signal callers' hoben y talentoso den NFL awendia. E tres seleccionnan principal, Caleb Williams, Jayden Daniels y Drake Maye, tabata predicibel, pero sorpresa a surgi na momento cu Falcons y Vikings a tuma decision inespera di scoge quarterback mas laat den e buelta.

Despues di e seleccionnan trempa di quarterbacks, un tempo significativo a pasa prome cu a selecciona un otro 'signal caller', indicando un posibel cambio den e evaluacion di e prospectonan di quarterback pa e teamnan. Algun a especula cu e teamnan a percibi un caida fuerte den talento despues di e seis miho quarterbacknan of tabata poniendo menos enfoca riba e perspectivanan den desaroyo pa motibo di e impaciencia creciente di e liga p'e quarterbacks hoben.

Otro aspecto intrigante di e draft tabata e prevalencia di e "seleccionnan di luho", unda e teamnan tabata uza seleccion halto di e draft pa reforsa e posicionnan cu ya tabata wordo considera como fuerte.

Ekipo manera Falcons y Bears a opta pa agrega profundidad den e posicionnan manera quarterback y wide receiver, a pesar di tin talento existente den nan lista. Aunke e movimiento aki a sorprende, e teamnan a hustifica nan seleccionnan enfatisando e versatilidad y balor di e hungadonan scogi.

E draft tambe a mira e enriquecimiento di teamnan ya exitoso, ya cu e campeonnas reinante, Kansas City Chiefs, a capitalisa e seleccionnan valioso y e cambionan astuto pa fortalece nan lista. Agregando hungado dinamico manera Xavier Worthy y Kingsley Suamataia, Chiefs a solidifica nan status como competencia pa Super Bowl mientras cu nan a mantene un arsenal ofensivo formidabel.

E hungadonan defensivo a enfrenta un comienso mas lento

den e draft y e prome hungado defensivo no a wordo selecciona te cu e seleccion number 15. Sinembargo, e tendencia a cambia den e bueltanan despues, cu un aumento den e seleccionnan defensivo cu a destaca e profundidad di talento disponibel riba e area ey.

E draft tambe a figura escogencianan remarcabel pa e posicionnan specifico, cu quarterback, wide receivers y offensive linemen dominando e seleccionnan inicial. E hungadonan di Oregon a surgi como opcionnan popular, estableciendo un record escolar pa e cantidad di seleccion mas grandi den actualidad y mustrand e portfoio di talento di e programa.

Por lo general, e NFL draft di 2024 tabata un testimonio di e evolucion continuo di e liga y e maniobranan strategico di e teamnan cu ta competi pa exito. Cu un combinacion di talento di prome nivel, seleccion sorprendente y momento record, e draft a prepara e escenario pa un temporada excitante di NFL pa 2024.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Chico Kwasi ta sorprende Endy Semeleer y ta gana e Titulo Welterweight



DEN un buelta dramático den e eventonan na Glory 91, Chico Kwasi a destrona Endy "bad News" Semeleer den e division di Welterweight, logrando un victoria sensacional pa knockout. Kwasi, conoci pa su golpinan explosivo, a manda Semeleer lona tres biaha den e di dos buelta, finalmente sigurando e victoria pa knockout técnico.

Después di e pelea, Kwasi a entrega su faha humildemente n'e coach Mike Passenier, reconociendo un década di inversión den su carrera.

Kwasi su actuación a gara hopi despreveni, ya cu el a desata un racha di mokete poderoso y scop contra Semeleer, kende a drenta e pelea cu un sonrisa confía. E campeón reinante, sin embargo, a sinti su mes sorpresa pa e asalto implacable di Kwasi. Trintiseis seconde después di e di dos buelta, Kwasi a conecta un golpe inespera, estableciendo e tono pa e resto di e pelea.

Reflexionando riba su victoria, Kwasi a atribui su habilidad pa descubri e tempo di Semeleer y capitalisa riba e aperturanan.

El a expresa su determinación pa tuma e título, enfatizando su régimen di entrenamiento riguroso y su ambición incoherente. Kwasi su trayecto pa bira campeón mundial a desafía

e escepticismo inicial, y e luchado a recorda con un bía el a soña di logra grandesa a pesar di duda.

Mientras tanto, e centro di atención a enfoca brevemente riba Bahram Rajabzadeh, kende a afirma su dominio den un confrontación después di e pelea. Conoci como "the golden wolf", Rajabzadeh a reclama su paso pa e Light Heavyweight Grand Prix y a exige un desafío pa e título contra e campeón actual Tarik Khbabez. Su actividad a hacie stima p'e fanaticonan, solidificando ainda mas su status como un strea den ascenso den e mundo di kickboxing.

Mientras Kwasi y Rajabzadeh a horta e show, e otro luchadonan a muestra nan habilidadnan na Glory 91. Mohamed Amine a enfrenta decepción den su wegá di clasificación, mientras Sofian Laïdouni y Soufian Abdelkhalek a sali victorioso den nan respectivo divisionnan.

Glory 91 a testigua di momento di triunfo y desilusión, subrayando e naturalesa impredecible di deporte di lucha. Mientras e luchadonan ta sigui persegui nan soño den e ring, e legado di campeón manera Chico Kwasi y e surgimento di talento nobo manera Bahram Rajabzadeh ta priminti un futuro emocionante p'e entusiastanan di kickboxing rond mundo.

Update di e Pound-for-Pound Ranking pa UFC

Holloway y Harrison den movecion

E ultimo evento di UFC 300 a trece cambio significativo den e clasificacion 'pound-for-pound' di MMA, cu Max Holloway y Kayla Harrison haciendo movementonan notabel.

Clasificacion Pound-for-Pound Masculino: 1. Islam Majachev, 2. Leon Edwards, 3. Alex Pereira, 4. Ilia Topuria, 5. Sea O'Malley, 6. Alexander Pantoja, 7. Alexander Volkanovski, 8. Israel Adesanya, 9. Max Holloway, 10. Drico Di Plessis

E knockout impresionante di Max Holloway den e ultimo seconde riba Justin Gaethje a impuls'e den e top 10 masculino, mustrand su habilidadnan exceptional den e lucha pa e título di BMF. Mientrastanto Kayla Harrison su debut dominante den 135 liber contra Holly Holm a elev'e den e prome

cinco posicionnan den ranking femenino.

Clasificacion Pound-for-Pound Femenino: 1. Zhang Weili, 2. Alexa Grasso, 3. Valentina Shevchenko, 4. Cris Cyborg, 5. Kayla Harrison, 6. Manon Fiorot, 7. Raquel Pennington, 8. Erin Blanchfield, 9. Larissa Pacheco, 10. Tatiana Suarez

Cu e panorama di MMA den evolucion continuo, e rankingnan aki ta duna e fanaticonan y e luchadonan un bista di e miho talentonan di e deporte.

Segun cu e competidonan nobo ta surgi y e streanan estableci ta sigui muestra nan habilidadnan, e clasificacionnan pound-for-pound lo sigui refleha e naturalesa evolucionante di arte marcial mixto.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Gobierno di Colombia ta suspende orden di captura dje miembronan di grupo arma ilegal memey di combersacion di paz



DEN un medida significativo destina pa facilita e negociacionnan di paz cu ta tumando luga, e Fiscal General di Colombia, Luz Camargo, a suspende temporalmente e orden di captura di nueve miembro di e grupo arma ilegal Segunda Marquetalia. E decision aki, tuma diahuebs, ta forma parti di Resolucion 65 di 2024, cu ta duna Fiscal General autoridad pa suspende ordo di aresto contra representante di e organisacionnan arma ilegal cu ta participa den e dialogo, negociacion of acuerdo di paz.

Segun articulo 2.1.6.3. decreto number 1081 di 2015, Fiscal General tin e mandato pa suspende of wanta orden di captura riba peticion di Gobierno nacional pa un periodo determina. E medida aki ta diseña pa sostene e esfuersonan di paz door di crea un ambiente propicio pa dialogo y negociacion.

E gobierno Colombiano ta opera dos proceso di negociacion diferente cu e gruponan arma ilegal, manera ta describi den Ley 2272 di 2022, encabesa pa presidente Gustavo Petro. E procesonan aki ta inclui dialogo politico pa establece acuerdo di paz cu e gruponan arma organisa cu ta opera pafo di ley, como tambe compromiso cu e organisacionnan criminal involvi den delito di impacto halto, cu e meta di

hiba nan dilanti husticia y desmantela nan operacionnan.

A pesar di firma un acuerdo di paz na 2016, Colombia a lucha pa resolve completamente su conflicto arma interno, cu a persisti pa casi seis decada y a cobra bida di por lo menos 260.000 persona.

E Comite Internacional di Cruz Cora (ICRC) a subraya e empeoramento di e consecucionnan humanitario den e contexto di e pandemia di COVID-19, cu un aumento di violencia contra civil y un temor mas grandi entre e comunidadnan na riesgo.

Aunke el a enfatisa e suspension temporal di e ordennan di aresto, e fiscal a aclaria cu e investigacionnan cu ta tumando luga riba e actividadnan di e dos grupo Marquetalia lo sigui sin limitacion. E compromiso aki ta enfatisa e determinacion di gobierno pa busca husticia mientras cu e ta explora simultaneamente e camindanan pa paz y reconciliacion na Colombia.

E decision pa suspende orden di detencion ta representa un paso calcula pa promove confiansa y cooperacion entre gobierno y e gruponan arma, cu e meta final di logra un paz y estabilidad duradero den e pais.

Gobierno Hulandes ta presenta cinco posibel variante pa impuesto riba consumo basa riba contenido di sucu

GOBIERNO Hulandes a publica cinco posibel variante pa un impuesto riba consumo diferenciá destina pa clasifica bebida no-alcoholico segun nan contenido di sucu. Basa riba e variantenan aki, bebida cu tiki of nada di sucu lo ta mas barata, mientras cu pa esunnan cu mas contenido di sucu lo nifica un impuesto mas halto. E meta di e impuesto aki riba sucu ta pa promove salud door di combati obesidad. E desicion awo ta na Tweede Kamer Hulandes pa scoge e opcion mas adecuada.

E gobierno a describi cinco posibilidad pa loke ta conoci como un impuesto riba consumo diferencia. E prome variante ta inclui impuesto riba tur bebida no-alcoholico sin excepcion. E varian-
tenan despues ta excepcion progresivamente mas bebida di impuesto of ta somete nan na un impuesto mas abou. Un ehempel di bebida excepcional ta inclui awa mineral, bebida di lechi y di soya, y tambe juice di fruta y berdura puro.

Bebida cu no ta paga impuesto ta resulta den impuesto mas halto pa e bebidanan cu si ta haya impuesto.

Eleccion di diseño

E transformacion di impuesto riba consumo den un impuesto riba sucu tin como meta pa promove salud reduciendo obesidad. E meta di salud aki por wordo logra den dos forma: e consumidonan ta opta pa bebida cu menos contenido di sucu y e productornan ta reduci e contenido di sucu den nan bebida. Ta bon pa menciona cu bebida no-alcoholico por contene sucu natural y agrega. Consejo di Salubridad ta conseha pa minimalisa e consumo di sucu via di bebida, sea cu nan ta contene sucu natural of agrega.

Tin diferente consideracion den e transicion pa un impuesto riba sucu. Por ehempel, distingui entre sucu natural y agrega den bebida por resulta un desafío den practica. Ademas, cada excepcion ta rekeri investigacion adicional pa determina si e por tin balor pa e estado.

Historia y siguiente paso

Hulanda a impone un impuesto riba consumo di bebida no-alcoholico for di 1993, principalmente pa motibo di presupuesto.

Na 2023, e gobierno a encarga un estudio pa explora e viabilidad di diferencia impuesto riba consumo segun e contenido di sucu di bebida no-alcoholico, alineando asina e impuesto cu e metanan di salud. Tweede Kamer Hulandes a urgi gobierno pa sigui cu e asunto aki via di varios mocion.

E partidonan interesa por duna comentario riba e consulta prome for di 26 di april te cu 7 di juni. E informacion aki lo facilita e proceso cu ta tumando luga. Finalmente, e eleccion di e variante ta den man di Tweede Kamer Hulandes.



Tornado ta laga lastro di destrucccion

Residentenan di Nebraska y Iowa a



E habitantenan di Nebraska y Iowa ta enfrentando e consecuencia amargo di un serie di tornado devastador cu a destrui nan comunidadnan, lagando un lastro di destrucccion atras. Den e area di Elkhorn na Omaha, Nebraska, e habitantenan a reuni entre e ruinanen di nan cas y negoshi, cuminsando e tarea desanimador di pasa door di e restonan y haci e limpieza necesario.

E brote di tornado, cu a tuma luga diabierna, a causa hopi daño na henter Mid-West, causando hopi daño den su paso. Na Omaha so, por lo menos 150 cas a keda destrui of dañá, cu indicacion di hopi tornado cu a touch tera den henter e region. Milagrosamente, no a reporta morto y e cantidad di herido a keda relativamente abao, danki na advertencia oportuno y e medidanan di preparacion.

E tornadonan, cual algun a alcanza un intensidad EF3 cu biento di entre 135 y 165 mph, a causa daño significativo mientras nan tabata avansa den e areanan urbano y tereno di cultivo, prome cu a dal den e vecindarionan densamente pobla. Na Elkhorn, un di e areanan mas afecta, e habitantenan a describí e experiencia teribel di busca refugio ora e tornado a dal nan comunidad.

Mientras cu solo tabata sali diasabra, e embergadura di e devastacion a bira evidente. E casnan a keda den ruina, mata a wordo saca for di tera y e cortamento den suministro di coriente a afecta miles di residente. Gobernador Jim Pillen di Nebraska y gobernador Kim Reynolds di Iowa a bishita e areanan afecta, primintiendo sosten y asistencia pa e comunidadnan afecta.

A pesar di e destrucccion general, a surgi e historianan di resiliencia y apoyo comunitario. E iglesianan y e centronan comunitario a bira centro di yudansa y sosten, cu e boluntarionan mobilisando pa yuda esunnan den necesidad. Sinembargo, e caminda pa recuperacion lo ta largo y duro pa hopi residente, ya cu nan ta enfrenta e tarea abrumador di reconstrui nan bida como consecuencia di e desaster natural aki.

Mientras e esfuersonan di limpieza ta sigui, e residentenan ta keda atento, sabiendo cu e menasa di clima severo ta persisti. Cu alerta di tornado emiti pa varios estado den e region, e comunidadnan ta prepara pa e posibilidad di mas tormenta y posibel tornado, loke ta enfatiza e importancia di preparacion y resiliencia dilanti e furia di naturalesa.

Harvey Weinstein hospitalisa despues di su regreso na prizon di New York

E ex-productor di pelicula Harvey Weinstein, di 72 aña, a keda interna den hospital despues di a wordo traslada for di un prizon den e suburbionan di New York city pa un facilidad na Manhattan.

"Ta parce cu e mester di hopi asistencia", su abogado a declara. "E ta wordo sometí na diferente test. Su salud ta hopi precario, e ta destrosa", su abogado Arthur Aidala a declara n'e medionan di prensa.

Weinstein, condena pa violacion, ta enfrenta problema di salud cu ta inclui problema di curason, diabetes, apnea di sueño y problema di wowo. Mentalmente, segun su abogado, e ta keda fragil. E intencion ta pa Weinstein wordo manda bek na Rikers Island Prison, un isla cerca di LaGuardia Airport.

Na 2020, Weinstein a wordo sentencia na 23 aña di prizon na New York pa violacion y agresion sexual di dos

actriz. Siman pasa, e veredicto aki a keda anula pasobra corte a determina cu e no a ricibi un juicio husto. Sinembargo, e ta keda tras di tralie pasobra tambe el a wordo condena na Los Angeles pa violacion, pa cual el a ricibi un sentencia di 16 aña.

Weinstein su salud a causa preocupacion, y su abogado a enfatisa e deterioro di su condicion fisico. A pesar di avances legal, e ta keda encarcela, mientras cu e saga di su batayanan legal ta sigui desaroya.



Conseho di transicion di Haiti lo eligi siguiente presidente memey di aumento di violencia

DEN respuesta na e violencia creciente di gang cu ta afecta Haiti, e conseho di transicion di e pais a anuncia plan pa vota pa e proximo presidente riba diamars. E medida aki ta parti di un esfuerzo mas amplio pa restaura e estabilidad den e nacion Caribense.

E conseho di transicion a asumi poder den un ceremonia cu a tuma luga diahuebs, formalizando e renuncia di e ex-Prome Minister Ariel Henry. Como cu e mandato di e gobierno di transicion ta vence na februari 2026, eleccion ta programa pa e momento ey y renobacion di e mandato no ta un opcion.

E instalacion di e conseho ta marca un punto significativo den stabilisacion di Haiti, particularmente den cuadro di e mission di siguridad multinacional solicita pa Henry na 2022. Nacionan Uni a aproba e mission aki mas cu seis luna pasa, enfatisando e necesidad urgente pa mehora e medidanan di siguridad den e pais.

Segun un comunicado emiti pa e conseho, e eleccion di e proximo presidente lo tuma luga na oficina di e prome

minister na Villa d'Accueil diamars mainta. E eleccion aki ta representa un paso crucial den e transicion politico di Haiti y ta spera cu e lo tin implicacionnan amplio pa e futuro di e nacion.

Haiti ta enfrentando un aumento den violencia relaciona cu gang, cu a mina gobernacion y siguridad significativamente den e pais. E decision di e conseho di transicion pa acelera e eleccion presidencial ta refleha e determinacion pa trata e retonan aki y habri caminda pa un Haiti mas stabiel y prospero.

Mientras e preparacionnan pa eleccion ta continua, e partidonan interesa, tanto na nivel nacional como internacional, ta monitor e desaroyonan na Haiti. E resultado di e eleccion no solamente lo forma e panorama politico di e pais, pero tambe lo influencia e efectividad di e futuro medidanan di siguridad y e esfuersonan pa combati violencia di gang. Cu Haiti den un momento crítico den su historia, e proximo eleccion ta representa un oportunidad crucial pa traha rumbo pa pas, estabilidad y progreso.

Parlamentario Darlaine Guedez-Erasmus

Ronda di reunion cu stakeholder relaciona cu ley di iniciativa di matrimonio di mesun sexo a finalisa

PRESIDENTE di e Comision di Famia y Adulto Mayor den Comision Fiho di Parlamento, Parlamentario Darlaine Guedez-Erasmus a anuncia cu e rondanan di reunion cu stakeholder pa loke ta trata e ley di iniciativa pa matrimonio di mesun sexo a finalisa siman pasa. A haci e rondanan di consulta cu diferente instancia, grupo y organisacion den comunidad.

Guedez-Erasmus a laga sa cu a haya informacion hopi valioso den e diferente comisionnan cu a wordo poni.

E gruponan a duna hopi informacion relaciona cu e ley di iniciativa pa matrimonio di mesun sexo. Hopi dato nobo a bin dilanti y banda di esaki e parlamentarionan por a haci nan preguntanan pa asina por tin mas claridad riba e decision y e pensamiento riba e ley aki.

E siman cu ta bin, como comision lo documenta e reunionnan aki cu sosten di griffier di e comision di famia y adulto mayor. "Asina di un manera hopi nechi lo por finalisa e rondanan y entrega un 'verslag' na presidente di parlamento pa asina demostra cu e proceso a bay bon y cu a cana manera cu e mester ta", e parlamentario a indica.

Cu esaki lo duna un bon bista di e magnitud di e ley aki di iniciativa, e impacto cu e lo tin pa comunidad. Pesey lo ta importante pa entrega e documento aki.

Darlaine Guedez-Erasmus como presidente di e comision a enfatisa cu esaki ta un tema dificil y cu pueblo di Aruba no ta cla pa e ley wordo trata. Sinembargo, e ley di iniciativa lo wordo trata dia 8 di mei venidero na un manera democratico.

E ley aki den Aruba su cultura, norma y balornan ta keda un punto di hopi atencion, a remarca.

Finalmente, Parlamentario Guedez-Erasmus kier gradici tur grupo, instancia y organisacion cu tabata presente den e rondanan. Te hasta a ricibi e gruponan di Corsou cu a bin Aruba pa duna informacion di nan banda.

Palabra di danki tambe el a expresa na e miembronan di parlamento cu tabata hopi activo cu pregunta, dunando informacion. Tambe ta gradici presidente di parlamento pa e oportunidad pa trata e reunionnan aki y cu por a finalis'e na un bon manera.

BAN COLOMBIA BOGOTA CALI MEDELLIN

ARUBA/ COLOMBIA CUMINSANDO NA PA DESTINO **\$100^{USD}**

wingo.com
¿Cómo quieres volar?

AUA

Juni Croes

Un minister di Aruba ta bay te Hulanda cu placa di pueblo pa piki flyers na un congreso



TA tristo pa pueblo mira un minister di nos pais, Minister Glenbert Croes ta cana rond na Hulanda cu saco den man ta pasa piki flyers na un congreso cu ningun mandatario di ningun otro pais tabata presente. E tabata mas un congreso pa esunnan cu kier haci negoshi den e mundo di energia sostenibel. Ta pone mi corda ora hende bishita Disney World anto bo ta haya tur e flyernan cu nan ta reparti di e parkenan pa asina conoce Mickey Mouse. Ta placa di pueblo ta gasta toch, no ta problema, pueblo tin di keda traha. Tin hende cu mester traha dos trabou pa asina por paga belasting tur luna pa biahamento rond di mundo di e gobierno aki por sigui numa.

Aruba den tempo di gobierno di AVP tabata e visionario di loke ta energia sostenibel y no solamente esey so. Hopi por a lubida cu ora AVP a bin na mando na 2009 ta poco hogar aki na Aruba por tabatin airco inverter, door cu e tabata na un prijs impagabel y tabata practicamente un luho pa hopi hende. AVP a tuma e decision di rebaha e invoerrechten cu tabata mas cu 20% na solamente 2% y asina duna e oportunidad na casi tur hende na Aruba pa por a compra airco inverter y rebaha asina consumo di coriente.

Ta un di e decision nan cu a pone gobierno di AVP perde entrada, pero pa bienestar di pueblo cu ta yuda den e poder

di compra di nos hendenan.

Fundacion Mito Croes lidera pa un profesional hoben, John Hart, a organisa un simposiom hopi interesante riba e tema di energia sostenibel, na unda e ex-director di TNO Aruba. Jan Ebbing, a hiba palabra y ora sr. Ebbing a hiba palabra, un di e prome topico cu a bin dilanti ta e holo stinki cu ta sali di RWZI cu sr. Ebbing mes a sinti y na unda a wordo informa cu TNO Aruba e tempo aya, ya caba a cuminsa cu un plan pa loke ta e problema di RWZI.

Awe un ex-director di un institucion di renombre mundial manera un TNO, a bisa cu Aruba a keda manera paralisa pa 7 aña, cu ni un cen preto gasta na loke ta RWZI y awo nos ta para na un problema serio cu por bira un desastre nacional.

Lastima di no a mira e departamentonan di gobierno manera un DOW bin scucha con TNO cu e conexion y laso cu tin cu sr. Ebbing, lo ta dispuesto pa bin Aruba un biaha mas y presenta solucion duradero pa loke ta RWZI y sigur trece solucion pa e otro desaster grandi cu ta Dump. Hopi lo kier tabata presente, pero pa motibo di miedo politico y miedo pa persecucion ta prefera di tene distancia pa awo y ta comprendibel tambe, cu e gobierno aki cu ta conoci pa persecucion politico. Pero manera AVP ta den gobierno nos lo cuminsa cu paso acelera pa bin bek cu TNO y cera un aliansa strategico cu Hulanda un biaha mas y pa Aruba bira lider den e region aki riba e tema di energia sostenibel y bira un ehempel pa mundo atrobe y unda e profesionalnan Arubiano lo por haya trabou importante y asina haya e oportunidad pa contribui na e bienestar di Aruba.

Pasobra na e momento aki ta gastamento di placa di pueblo tin, cu fantasia manera un LNG gas, Quantum Petroleum, Hydrogen Valley y un monton di gañamento mas pa hustifica gastamento di placa di pueblo na biahamento. Despues di 7 aña y despues di e show y circo di ORA ZERO organisa pa Glenbert Croes y Partido MEP, awe ta tristo pamira e refineria na San Nicolas a bira un luga di hero bieu y den basha abow y Aruba no a produci ni un 1 KW extra di energia sostenibel den 7 aña di MEP. Pero a crea un MEP Airlines cu su tempo di bula rond di mundo lo termina, ora pueblo por medio di eleccion bay vota pa cambia e destino y rumbo cu e pais aki ta bayendo, cu ta un rumbo di pobresa, cu un gobierno di MEP sin curason pa esunnan cu salario minimo y sin amor pa nos pensionadonan. Ban Bolter cos, pueblo. E decision ta den boso man.

AAA a publica su rapport anual 2023 enfatisando su vision, strategia y impacto den comunidad

ARUBA Airport Authority N.V. (AAA) tin e placer di anuncia e publicacion di su Rapport Anual pa aña 2023. E rapport aki, no unicamente ta destaca e vision, e strategia y e metanan di AAA, sino cu ademas e ta demostra e rol fundamental cu aeropuerto ta eherce den comunidad di Aruba.

Na AAA, nos vision ta pa converti den un di e aeropuertonan mas sostenibel, sigur y a prueba di futuro den e region di Latino America y Caribe, brindando un luga di trabou confiabel, cu instalacionnan moderno y un excelente servicio n'e cliente p'asina refleha e hospitalidad di Aruba y contribui na un futuro prospero pa Aruba. Nos strategia ta basa riba cuater pilar clave: desaroyo den e organisacion y personal, calidad di servicio, innovacion y oportunidad nobo, sostenibilidad y responsabilidad social. E pilarnan aki t'e guia di e metanan di nos compania, dunando nos un empuhe pa mehoracion y excelencia den tur e aspectonan di nos operacion. E Rapport Anual 2023 ta conta cu un formato nobo cu ta coordina cu nos prioridadnan strategico. E ta proporciona un descripcion general di loke nos a logra durante aña 2023 y ta describi nos plannan p'e siguiente añanan. Cu e formato nobo aki, ta nos intencion pa comunica di un manera transparente e progreso di nos metanan strategico y demostra nos compromiso riba e dunamento di cuenta y transparencia.

AAA ta kere firmemente den comparti su Rapport Anual di un manera transparente ta crucial pa AAA, su stakeholder y comunidad di Aruba. Door di comunica abiertamente riba e desaroyo di e unico aeropuerto di Aruba, e meta ta pa subraya e importancia di un infraestructura di aviacion solido. Cu e transparencia aki nos no kier djis fomenta confiansa y comprension entre nos stakeholders, sino cu nos ta desea pa inspira e otro nan pa priorisa pa ta habri y duna cuenta di nan operacionnan.

Algun di e aspectonan clave cu a destaca den e Rapport Anual 2023 ta inclui cu a brinda servicio na mas di 25 aerolinea cu mas di 45 ruta cu ta inclui mas di 5 destinacion nobo y 2 aerolinea nobo cu ta transporta mas di 2.9 milyon pasahero, loke ta representa un crecimiento di 14% compara cu aña 2022. Aeropuerto di Aruba a disfruta di un mayor satisfaccion di e pasaheronan y puntuacion di experiencia cu ta hib'e na e nivel mas halto di tur tempo, di 4.50 y 4.32 riba un escala di 5 punto, siendo number 5 excelente. Nos mes a cuminsa maneha e operacion di Aviacion General (FBO) y a hacie un exito durante su prome aña na 2023. Aeropuerto di Aruba a ricibi certificacion un bes mas bou di e programa Green Globe Certification y ademas a logra e nivel 3 di e

programa ACI Carbon Accreditation na aña 2023.

Joost Meijs, CEO di AAA, a indica cu: "Cu masha orguyo nos por recorda un otro aña exitoso pa AAA y Aeropuerto di Aruba. Nos no lo por a alcanza nos metanan y e aspec-tonan cu mas a destaca na 2023 sin e sosten di henter e team di AAA, e stakeholders denter di e comunidad di aeropuerto como tambe stakeholders externo dentro di e industria di aviacion y turismo di Aruba. Nos gradicimento di mas sincero na cada miembro di e team di AAA y tur stakeholder. Nos ta comprometi pa sigui traha p'asina alcanza nos meta di converti den e aeropuerto lider den Caribe".

Ademas di e Rapport Anual, AAA a publica su Corporate Social Responsibility (CSR) Report pa aña 2023. E rapport aki ta brinda informacion detaya riba e iniciativanan di sostenibilidad, esfuerzo di participacion den comunidad y practicanan etico comercial.

Nos ta invita tur esnan intersa pa explora e Rapport Anual y e Corporate Social Responsibility (CSR) Report 2023 di AAA pa tin un bista riba e prioridadnan strategico di AAA, e logronan, e plannan y e compromiso cu e responsabilidad social y cu medio ambiente. E informacionnan ta disponibel riba e siguiente pagina di nos website:

<https://www.airportaruba.com/annual-reports>

Tocante AUA Airport

AUA Airport ta un di e aeropuertonan mas ocupa den region Caribe, cu mas di 25 diferente aerolinea operando na Aruba contribuyendo na casi 3 milyon pasahero pa aña y brindando servicio aereo na 31 pais y 45 destinacion non-stop rond mundo. Di e mercadonan cu AUA Airport ta brinda servicio na dje, 79% ta di Merca y Canada, 14% ta di Latino America, 4% ta di Europa y 4% ta di Caribe Hulandes. AUA Airport ta reconoce cu esaki ta danki na un economia stabiel, clima politico, hospitalidad, poblacion diversifica y seguridad general di nos isla. AUA Airport su aspiracion ta pa converti den un di e aeropuertonan mas sostenibel, sigur y prepara pa futuro den e region di Latino America y Caribe, brindando un espacio laboral confiabel, cu instalacionnan moderno y ademas cu un excelente servicio n'e cliente p'asina por refleha e hospitalidad di Aruba, contribuyendo na un futuro prospero pa Aruba.

Haya sa mas di loke ta pasando na AUA Airport door di bishita www.airportaruba.com y conecta cu AUA Airport riba [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport](https://instagram.com/arubaairport)

Kiwanis Club of Palm Beach a celebra su reunion anual!



DIAHUEBS ultimo, april 25, 2024, Kiwanis Club of Palm Beach a celebra su reunion anual den un atmosfera den cual e hermandad fuerte den e club a refleha un biaha mas.

Tradicionalmente y cumpliendo cu e statuton di Kiwanis International y di e club mes, e agenda a consisti di un punto: 1) Aprobacion di e team cu a wordo nomina pa conforma e directiva pa e aña Kiwanistico 2024-2025 y cu lo wordo instala na october proximo.

E aña aki, manera cu ta pasa tradicionalmente durante e reunion anual, e trabow di e comision di eleccion di e directiva nobo tabata un biaha mas facil.

Despues cu e “committee chair”, FK Giovanni Bermudez, a informa esnan presente e proceso cu e comision di nominacion a encamina pa yega na e ‘team’ di e nominadonan pa e directiva di 2024-2025, como tambe e importancia di

un eleccion transparente, e directiva nobo a wordo aproba “by acclamation”, o sea tur esunnan presente a vota pro pa e directiva nomina.

E directiva pa aña Kiwanistico 2024-2025 lo consisti di e siguiente miembronan: Onasito Thiel (Immediate Past President), Ross Brezovar (President), Michel Frank (Incoming President), Patrick Melchiors (Vice President), Navin Gangaram Panday (Treasurer), Ivan Ng (Secretary), Michel Janssen, Rodney Kock, Randolph Ruiz, Christopher Robles, Roel Gomez, Joshua Arrindell, Glennrick Ridderstap lo ta e Directors pa e aña en cuestion.

Kiwanis Palm Beach ta pertenece na e organizacion global Kiwanis International cu ta un instancia caritativo dedica na haci nos mundo miho door di cambia un comunidad pa medio di un mucha cada bes. Mas informacion por haya riba: www.facebook.com/kiwanispalmbeacharuba

Aruba Airport Authority N.V. a publica su di tres rapport tocante responsabilidad social corporativo



CU masha orguyo Aruba Airport Authority N.V. (AAA) ta publica su di tres rapport tocante Corporate Social Responsibility (CSR) pa aña 2023. E informacionnan di Corporate Social Responsibility (CSR) tin e meta pa informa diferente stakeholders, incluyendo empleado, inversionista, proveedor y comunidad, con e compania ta contribui na e metanan di un desaroyo sostenibel mediante e uzo di data p'asina midi progreso.

Na aña 2021, AAA a publica su prome CSR y na aña 2022 a publica e di dos, haciendo uzo di Sustainable Development Goals (SDGs) di Nacionnan Uni, Corporate Social Reporting Directive (CSRD) y e European Sustainability Reporting Standards (ESRS) como nan guia principal. E rapport di CSR di aña 2023 ta refleha e guia principal di e presentacion di Airports Council International (ACI) ESG, incluyendo e areanan ambiental, social y di bon gobernacion, cu ta destaca actividad, proyecto y logro di AAA.

Ademas, e rapport di CSR ta brinda un descripcion general di e contribucion social di Wings of Hope di AAA cu un enfoque continuo riba e ehecucion di diferente proyecto socialmente responsabel. Pa por obtene un descripcion general di e logronan y e contribucionnan di Wings of Hope di AAA, e aña aki a introduci un SDG Index den e rapport p'asina midi desaroyo y prioridadnan di aña 2021 pa aña 2023 y pa yuda identifica cualkier oportunidad nobo. AAA lo concentra pa

crea un SDG Index similar pa tur esfuerço di AAA den futuro. Pa aña 2024, tin varios area pa enfoca bou aspecto ambiental, social y di maneho cu lo atende cu ne.

Segun cu AAA ta sigui enfoca riba su impacto ambiental y social y den realisa negociacion di un manera sostenibel, AAA tambe ta ofrece diferente presentacion y recomendacion na diferente otro compania cu e meta di tin un impacto positivo y pa inspira otro companianan pa haci mescos.

E rapport CSR 2023 ta disponibel riba website di Aeropuerto di Aruba: www.airportaruba.com/sustainability



Prome Minister Evelyn Wever-Croes: Diesocho ciudadano di pais Aruba a ricibi un condecoracion real pa nan esfuerzo y dedicacion boluntario



DIABIERNA 26 di april, un dia prome cu Dia di Rey, 18 ciudadano di pais Aruba a ricibi un Condecoracion di Rey Willem Alexander. E momento aki, ta conoci como Ocasion General, y ta relaciona cu e cumpleaños di Su Mahestad, Rey Willem-Alexander, cu ta esun cu ta otorga e condecoracion na e personanan cu a duna un contribucion special na e sociedad. Riba e mainta aki, 16 di e condecoradonan tabata presente pa ricibi nan Condecoracion Real di Gobernador di Aruba, señor Alfonso Boekhoudt, kende a splica dicon e personanan aki a bin na remarke pa un reconocimiento asina importante.

Prome Minister Evelyn Wever-Croes a splica cu ya pa algun aña, Gobierno ta poniendo mas publicidad na e tema importante aki, mirando cu na Aruba tin hopi hende cu ta haci un of mas trabou boluntario, banda di nan mesun trabou. E personanan aki, ta esnan cu ta bin na remarke pa ricibi e

Condecoracion Real, como gradecimento pa nan esfuerzo pa yuda boluntariamente:

"Mi ta felicita tur e 18 ciudadanonan aki cu e reconocimiento importante aki, y gradici nan pa ta un persona ehemplar den nos sociedad. Tambe mi ta gradici tur esnan cu a wak e gran esfuerzo di e personanan aki, nominando nan pa e Condecoracion Real. Pa nos como mandatario di pais Aruba, e ta un honor y orguyo pa sa cu nos tin hendenan riba e isla aki, cu tin un curason grandi pa duna di nan mes, sin tin niun beneficio a cambio.

P'esey mi ta pidi tur ciudadano pa sigui trece e nombrenan aki dilanti, pa asina tur esnan cu ta duna di nan mes pa yuda riba un base boluntario, ricibi nan merecido reconocimiento. Hopi danki y masha pabien", Prome Minister a expresa.



Profesionalnan den Salud Publico a participa na un Curso Basico di malesa contagioso

DESPUES di un curso educacional tocante Combati Malesanan Contagioso ofreci durante e conferencia di DuCaPHen na Corsou y Sint Maarten na october 2023, e profesionalnan di 'Dutch Caribbean Public Health Expertise Network' miho conoci como DuCaPhen, a ripiti e training na departamento di Salud Publico y otro instancia cu ta traha pa prevencion y combati malesa contagioso na Aruba.

Durante e siman di 8 april, un total di 22 profesional di diferente disciplina cu ta traha departamento den salud publico, cuido di hoben, epidemiologia y protocol a sigui un siman largo y intensivo di training cu enfasis na conocimiento basico, programa varia consistiendo di teoria y sesion di

practica.

Esaki ta extende na conocimiento nobo di microbiologia, midimento di contagion, diagnostico, vacunacion, epidemiologia, monitor y finalmente con pa implementa maneho y legislacion aki na Aruba.

Salud Publico ta orguyoso di por a duna aporte durante e proceso aki y ta desea nos profesionalnan exito cu e conocimiento nobo. Salud Publico ta pone enfasis riba e importancia di crea un red di comunicacion caminda cada organisacion den salud publico ta colabora hunto y crea conscientisacion den nos comunidad.

Ensalada de quinoa con verduras



AQUÍ tienes una receta fácil para hacer una deliciosa ensalada de quinoa con verduras:

Ingredientes:

1 taza de quinoa

2 tazas de agua o caldo de verduras

1 pepino, cortado en cubitos

1 pimiento rojo, cortado en cubitos

1 tomate, cortado en cubitos

1/4 de cebolla roja, finamente picada

1/4 de taza de cilantro fresco, picado

Jugo de 1 limón

2 cucharadas de aceite de oliva

Sal y pimienta al gusto

Instrucciones:

Enjuaga la quinoa bajo agua fría en un colador para quitar el sabor amargo.

En una olla, hierva las 2 tazas de agua o caldo de verduras y agrega la quinoa. Reduce el fuego a bajo, tapa la olla y cocina durante unos 15-20 minutos, o hasta que la quinoa esté tierna y el líquido se haya absorbido por completo.

Retira la quinoa del fuego y déjala reposar tapada durante 5 minutos. Luego, destapa y deja que se enfríe por completo. Mientras la quinoa se enfría, corta todas las verduras y el cilantro y agrégalos a un tazón grande.

Una vez que la quinoa esté fría, agrégala al tazón con las

verduras.

En un tazón pequeño, mezcla el jugo de limón, el aceite de oliva, la sal y la pimienta para hacer el aderezo.

Vierte el aderezo sobre la ensalada y mezcla bien para que todo esté cubierto de manera uniforme.

Prueba y ajusta la sazón según tu gusto.

Sirve la ensalada de quinoa con verduras como acompañamiento o como plato principal. ¡Disfruta!

Esta receta es rápida, saludable y deliciosa. ¡Espero que la disfrutes!



Fortaleza pa Famia

No haci wega cu Dios pasobra fierno ta real

Ta na moda cu hende ta reta Dios, haci bofon di Su palabra .e boluntad di Dios ta wordo rechasa y mas ainda cu hende cu no ta mira necesario pa reconoce Dios den nan biba,

Tur esaki ta conclui, cu e plan di salvacion ta wordo rechasa y asina e hende cu no ta reconoce Dios, cu no ta kere den Su unico Yiu ta cay for di e gracia y no ta alcanza bida eterna.

Fierno den ningun momento a wordo traha pa pone hende aden, pero pa condena di satanas y su demoñonan.

Pero na e momento cu hende a scoge pa no sirbi Dios, di mes nan ta wordo condena pa fierno pa perdicion (Juan 3:16-21) esey ta tur locual tur hende mester compronde cu hende cu rechasa Cristo ta cay bao di condenacion.

Esey ta nifica cu ta dos oportunidad tin y ta hende mes ta scoge sea pa condenacion of pa bida eterna.

Awo tin hende ta kere cu ta un cos cu bo por haci na ultimo ora si bo haya chens, pero bijbel ta splica bon cla cu mañan no ta wordo priminti na ningun hende. Awe ta bo dia di salvacion.

Den Lucas capitulo 16:19-31 un biaha mas nos kier clarifica, cu shelo ta real y fierno ta real, y cu awo cu nos ta na bida nos mester entrega nos bida na Cristo Hesus, pasobra ora nos muri no tin otro oportunidad.

Esun cu drenta shelo ta pa eternidad y mescos cu esun drenta fierno ta pa eternidad.

Solamente pa medio di Cristo, nos tin entrada pa shelo, pasobra Cristo Hesus ta e unico caminda di berdad y bida ningun hende por yega cerca e Tata sino ta pa medio di e Yiu.

Ta segun un hende biba asina su presentacion dilanti di Dios lo ta, si e a biba cu Dios, reconoce Dios riba tur cos, y kere den Su Yiu Cristo Hesus, e persona ey shelo ta spere cu brasa bari.

Pero si e hende a nenga Dios y biba manera e kier den inmoralidad, abominacion, bagamunderia y tur sorto di pica y no segun Dios su palabra, e persona ey lo no mira cara di Dios.

Pasobra e palabra di Dios ta bisa claramente den Hebreonan 12:14: "Aspira pa tin paz cu tur hende y santificacion, sin cual ningun hende lo mira Señor."

Pero tambe Hebreonan 10:26-27 ta bolbe adverti: "Pasobra si nos sigui peca voluntariamente, despues di a ricibi e conocimiento di e berdad, no ta keda sacrificio pa pica mas.

Sino un cierto expectativa teribel di huicio y e furia di un candela cu lo caba cu e adversarionan."

Den Juan 3:36 ta para skirbi: Esun cu kere den e Yiu tin bida eterno, ma esun cu no obedece e Yiu lo no mira nada, ma e furia di Dios ta keda riba dje.

Tin hopi strategia di diabel pa aleha hende for di Dios, di berdad diabel ta gañando hopi hende y nan ta bin na grupo y asociacion di scuridad, cual diabel a ciega nan pa no mira e bondad di Dios.

Pasobra hende cu ta rechasa e palabra di Dios y kier establece nan mes orden ta pusha nan mes den caminda di scuridad.

Nos ta mirando esey cu gran tristesa y awo mas cu nunca den e tempo trabahoso aki.

Esun cu kere y a wordo batisa lo ta salba y esun cu no a kere lo ta condena. (Marcos 16:16).

Ta necesario pa tur hende entrega nan bida na Hesucristo y no rechasa e bondad di Dios. Señor ta nos Dios.

Sinceramente, Pastor Marcel Balootje



Un distincion bon mereci pa su trabao boluntario p'e hobennan di Aruba Minister Dangui Oduber a felicita Swinda Dumfries cu su condecoracion real



y sigur ta pa gradidici cada un di nan pa nan esfuerso y e trabou bunita di boluntad.

Minister Dangui Oduber ta felicita tur e 18 personanan cu a ricibi e reconocimiento awe y sigur kier gradici especialmente dos persona cu a ricibi lid in the orde van Oranje-Nassau : Sra. Swinda Martha Claire Dumfries y Sr. Señor Dionisio Fecito Richardson pa nan trabou den salud publico y pa nan reconomto ehemplar den nos comunidad.

Finalmente, como Minister di Turismo y Salud Publico eta un honor pa reconoce y duna merecidamente hendenan asina cu ta pone nan curason y dedicacion di nan mes pa yuda otro den comunidad di Aruba.

Hopi danki pa e bunita trabou di curason.

DIABERNA merdia Minister di Turismo y Salud Publico sr. Dangui Oduber tawata invita na un ceremonia priva di famia di Sra. Swinda Dumfries.

Sra. Dumfries ta labora na JGZ, Directie Volksgezondheid Aruba (DVG) y finalmente a ricibi condecoracion for di Gobernador Alfonso Boekhoudt den nomber di Rey Willem Alexander diabierna pa su esfuerso y dedicacion boluntario na pais Aruba. En especial pa sra. Dumfries su trabou comunitario pa Aruba su muchanan y hobenan riba e tereno di salud. Minister Dangui Oduber a pasa expresa su gratitud pa e bunita trabou boluntario cu Sra. Dumfries a bin ta haci pa hopi aña.

Ta di remarka cu gobierno ta pone hopi importancia na e condecoracion aki, mirando cu Aruba tin hopi persona cu ta haci trabounan boluntario, banda di nan trabou principal



Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ 6990495



www.laycro.com



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hiba mi na awa trankil,
Pa mi bolbe haya forsa”.
Salmo: 23

Nos ta anuncia fayecimiento di:

Antonilia Lampe-Laclé

Miho conoci como Manila of Sonilda
*02-09-1934 - □ 20-04-2024

Na number di su:

Mama: □ Fortunata Luidens
Tata: □ Placido Laclé
Casa: □ Juan Lampe
Ruman nan: □ Efigenio y □ Sarita Laclé y famia,
□ Ramon y □ Aida Laclé y famia, □ Theodoor
y □ Maria Laclé y famia, □ Aura y □ Miguel
Fuentes y famia, □ Pedrito y □ Vicenta Laclé
y famia, □ Gilberto y Rita Laclé y famia, □
Valeriano Laclé, □ Mario Laclé, Paulo Laclé
y Dorothea Rip y famia, Elias y Lucia Laclé y
famia, Delia “Istela” Laclé y famia

Yiu nan: □ Ismael (Buchi nel) Lampe, Astrid
Lampe y □ Marcolino Varis, □ Irene Lampe,
David Lampe, Jacqueline Lampe

Nieta y Nietonan: Josette y Pascal Zoet, Desiree
Lampe, Marianne Varis, Marc Varis, Marlini
“Angie” Croes, Anouk “Aymae” Vlaun y Emilio
Berlis, Amaris Hoevertsz y Alvin Maduro,
Richinel Hoevertsz y Daniela Rondon, Jessamy
Hoevertsz y Justin Henriquez, Ruth y Fuad
Camacho


Bisanieto y Bisanietanan: Maethann, Jaethann,
Laethann, Kevin, Justin, Devin, Demi, Kaeth-
ann, Rymaely, Rigaelly, Gadiel, Alrick, Lirienne,
Hailey-ann, Christopher, Mar-j ly, Yarent, Yaiden,
Dustin.

Tatara nietanan: Isamae, Jeyliënné
Cuña y swanan: Carmen Lampe y famia, Agnes
Lampe y famia, □ Dora Tromp y famia, □ Jachi
Lampe y famia, □ Binchi Lampe y famia
Prima Stima: Corin Croes y famia

Manera yiu: Haime Lampe, Nico Fuentes, Luis
Tromp, Siegfried Lampe, Lilian Maduro.

Demas famia: Lampe, Lacle, Luidens, Hoevertsz,
Varis, Vlaun , Croes, Zoet, Tromp, Maduro, Kelly,
Vermeer, Angela, Kock, Henriquez, Rondon,
Danje, Wernet, Vrolijk, Erasmus, Loopstok,
Brown, de Cuba, Paesch, Ras, Giel, Geronimo,
Farro, Fuentes, Berlis, Rasmijn, Alberts, Alberto,
Winterdaal, Regales, Hereira, Dubero Martone,
Arends.

Nos sincero disculpa si den nos momento di
tristesa nos por a lubida algun familiar.
Nos ta invita pa acto di entierro cu lo tuma luga
diabierna 3 di mei 2024 di 2’or pa 4’or di atardi
na Aurora Funeral Home y despues lo sali bay pa
Santana catolico Pastoor Kranwinkel na Paradera



Lo E seca tur lagrima for di nan wowo y mor-
to lo no existi mas. Lo no tin nada di rouw,
nada di yoramento, nada di dolor mas, paso-
bra tur cos di antes a bay. Revelacion 21:4

Cu hopi dolor y tristesa na nos curason y
agradecido pa tur e bunita recuerdonan, nos ta
anuncia fayecimiento di nos esposo, tata, abue-
lo, ruman, sua, omo, primo y amigo stima:

Candido Jacobo Angela

Miho conoci como “Coby of Cobito”
*11-10-1940 - †13-04-2024

Mayornan:

†Candido y Candida Angela

Na number di su:

Esposa: Elsa Angela - Geerman
Yiunan: Debby y Jairo Trimon-Angela, Jorge
y Mariska Angela-Wensveen, Jeritza y De
Flanegin-Angela, Natie Angela y Mathijs van
den Berg
Nieta(o)nan: Lisa Strörmann-Angela, Rick-
Giovanni-Dani Angela, Cedric-Shen Flanegin,
Samantha-Dimitri Angela
Rumannan: Rica Angela, Beta Angela, Betty
Angela, Ada Angela y Lorenzo Maldonado,
Mai Angela

Manera ruman:
Rory Arends

Un danki special na e verzorgsternan di
Welthuis Buytenhaghe cu a atende Coby den
e delaster añanan.

Tur su sobrino y sobrinanan, primo y priman-
an, ihanan, bisiña y amistadnan den mundo
di deporte y musica y demas famia: Angela -
Geerman - Croes - Flanegin - Trimon - Wens-
veen - van den Berg - Strörmann - Arends
- Luydens - Ras - Rasmijn - Lacle - Marchena
- Coutinho - Franken - Lampe - Ruchtie -
Laarakker - van der Doef - Irausquin - Unlü -
Hamilton - Woonings - Ashraf - Kock - Wever
- Adames - Dossier - Suarez

Ta invita demas famia, amigo(a)nan y conoci-
nan pa asisti na e acto di entierro cual lo tuma
luga diamars 30 di april 2024 di 9’or pa 11’or
di mainta na misa Inmaculada Concepcion na
Santa Cruz. Despues lo sali pa santana catoli-
co di Santa Cruz.

Nos ser stima lo ta reposa for di 9’or di mainta
na misa.

Nos disculpa si den nos tristeza nos por a lu-
bida algun familiar of conoci. Alabes nos kier
a participa cu lamentablemente nos no lo por
ricibi bishita di condolencia na cas.



Pa ultimo biaha a drenta su boto y bay lama
Cu tristesa den nos curason nos ta anuncia fayeci-
mento di nos ser stima:

Hermand Richardson
Miho conoci como: “Baba”
*09-04-1948 †25-04-2024

Acto di despedida lo wordo anuncia despues.



“Señor ta mi wardador, mi’n tin falta di nada
Den cunucu di yerba berde e ta pone mi sosega.

E ta hiba mi na awa trankil,
Pa mi bolbe haya forsa”.
Salmo: 23

Nos ta anuncia fayecimiento di:

Lucia Christina Lugo-Kock
*18-10-1954 - †25-04-2024

Acto di entierro lo wordo anuncia despues.



“Señor ta mi wardador, mi’n tin falta di nada
Den cunucu di yerba berde e ta ponemi sos-
ega.

E ta hibami na awa trankil,
Pa mi bolbe haya forsa”.
Salmo: 23

Nos ta anuncia fayecimiento di:

Virginia Antoine

Acto di entierro lo wordo anuncia despues.

Blessed

ARE THE PURE IN HEART,
FOR THEY WILL SEE GOD.

MATTHEW 5:8



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com